

အပိတပိတၢ်
AWIG-AWIG

ၤဒါတၢ်ပၤကျဲၤပၤဒါတၢ်
DESA PAKRAMAN INTARAN



ဒါတၢ်ပၤဒါတၢ်
KECAMATAN DENPASAR SELATAN

ၤဒါတၢ်ပၤဒါတၢ်
KOTA DENPASAR

ၤဒါတၢ်ပၤဒါတၢ်
2005

MURDHA CITTA

Om Awighnam Astu Namu Shiwa Buddhaya.

AUM A NO BHADRAH KRATAWO YANTU WISHWATAH (Reg Weda 1.89.1)

Sangkaning pangendan Ida Sanghyang Widhi Wasa ngawerdiang sarwa bhawa, kapiteketang :

**NA 'SATO WIDYATE BHAWO NA BHAWO WIDYATE SATAN,
UBAYOR API DRISTO 'NTASTW ANAYOR TATTWA DAR-
SHIBHIH. (Bhagawad Gita II/16).**

puniki kapitegesang nincapang kahanane ring jagate, seantukan sane nenten kapakardinin, janten tan pacang nahanan wenten. Sahanan sane puponin mangkin, wantah sangkaning pakardine rihin.

**KAPRAJNA NIMITANING JIWA PURUSA, PANOMANIA
SINUKSMA RI SAHANANING SARWA BHUTA, TAN
WENANG PARO PINARO, MANGAWRUH ATAH
KAPRAJNAN ANANING SATWIKA .**

pangelaksanaan ipun maka paniti pangancan madasar antuk Panca Çradha makadi Dharmaning mawidesa, tan anangsal kabawosang:

**SHRUTYUKTAH PARAMO DHARMAS TATHA SMRTI GATO'
PARAH, SHIDTACARAH PARAH PROKTASTRAYO
DHARMAH SANATANAH.**

(Sarascamuscaya 2/40)

mahawanang kapiteges tan ana Dharma mangrwa.

Sane kawedar ring ajeng puniki kalimbakang, gumanti tan sah mamikukuhin kawibhuhan Panagara INDONESIA sane madasar PANCASILA saha UUD 1945.

Punika sami makalarapan pasabhan Krama Desa Pakraman Intaran prasida nyikiang pikayun, sagilik saguluk sabhayantaka, ngulati pamahayon, mapidaddab ngerajegang sarwa dresta, makardi Uger-Uger maka sepat siku-siku patitis pangenter, ketah bawos AWIG-AWIG kadi ring sor.

Om ayu wredhhi yaso wredhhi,

Wredhhi prajna suka sriyah

Dharmo sentansa wredhhisyat

Santute sapta wredhhisca.

Om dirghayur astu tatastu.

**PIDAGING MAKA BANTANG
AWIG-AWIG DESA PAKRAMAN INTARAN**

MURDHA CITTA	i	
PIDAGIGING MAKA BANTANG AWIG-AWIG	ii	
PRATAMAS SARGAH ARAN LAN WEWIDANGAN DESA	1	
DWITYAS SARGAH PATTIS AN PAMIKUKUH	2	
TRITYAS SARGAH SUKERTA TATA PAKRAMAN	2	
	Palet 1 Indik Krama	2
	Palet 2 Indik Prajuru	5
	Palet 3 Indik Peparuman	7
	Palet 4 Indik Tatengeran/Kulkul	9
	Palet 5 Indik Druwen Desa	10
	Palet 6 Indik Sukerta Pamitegep	10
CATURTAS SARGAH SUKERTA TATA CARA AGAMA	13	
	Palet 1 Indik Dewa Yadnya	13
	Palet 2 Indik Rsi Yadnya	20
	Palet 3 Indik Pitra yadnya	20
	Palet 4 Indik Manusa Yadnya	23
	Palet 5 Indik Bhuta Yadnya	24
PANCAMAS SARGAH SUKERTA TATA PAWONGAN	25	
	Palet 1 Indik Pawiwahan	25
	Palet 2 Indik Nyapian	28
	Palet 3 Indik Sentana	28
	Palet 4 Indik Waris	29
SAD SARGAH WICARA LAN PAMIDANDA	29	
	Palet 1 indik Wicara	29
	Palet 2 Indik Pamidanda	30
SAPTAMAS SARGAH NGUWAH-NGUWUHIN AWIG-AWIG	32	
ASHTAMAS SARGAH SAMAPTA	32	

PRATAMAS SARGAH
ARAN LAN WEWIDANGAN DESA

Pawos 1

Aran

Desa Pakraman puniki kawastanin Desa Pakraman Intaran, ngawengku kekalih desa Dinas Iwire : Kelurahan Sanur lan Desa Sanur Kauh, palemahan Kecamatan Denpasar Selatan, Kota Denpasar, salanturnyane kabawosang Desa Pakraman Intaran.

Pawos 2

Wewidangan

1. Wawengkon Desa Pakraman Intaran inggih punika :

ha. Sisi Kaler Desa Pakraman Sanur

na. Sisi Kangin Segara

ca. Sisi Kelod Segara

ra. Sisi Kauh Desa Pakraman Renon, Desa Pakraman Penyaringan lan Desa Pakraman Sidakarya

2. Desa Pakraman puniki kawangun antuk makudang-kudang banjar Iwire :

1. Banjar Adat Langon

11. Banjar Adat Medura

2. Banjar Adat Singgi

12. Banjar Adat Dangin Peken

3. Banjar Adat Panti

13. Banjar Adat Tewel Sari

4. Banjar Adat Gulingan

14. Banjar Adat Abiantimbul

5. Banjar Adat Taman Sari

15. Banjar Adat Penopengan

6. Banjar Adat Sindu Kaja

16. Banjar Adat Pekandelan

7. Banjar Adat Sindu Kelod

17. Banjar Adat Puseh Kauh

8. Banjar Adat Batujimbar

18. Banjar Adat Puseh Kangin

9. Banjar Adat Semawang

19. Banjar Adat Betngandang

10. Banjar Adat Belanjong.

DWITYAS SARGAH
PATTIS LAN PAMIKUKUH

Pawos 3

Dasar Utawi Pamikukuh

Desa Pakraman Intaran ngamanggehang pamikukuh pinakadi :

1. Pancasila miwah Undang-Undang Dasar 1945
2. Peraturan Perundang-undangan sane kantun kamanggehang
3. Tri Hita Karana manut tatwaning Bhuwana Agung

Pawos 4

Patitis

Lwir patitis Desa Pakraman Intaran :

1. Ngerajegang Agama Hindu majalaran ngamanggehang Panca Çrada, astiti ring Ida Sanghyang Widhi Wasa / Sanghyang Tunggal.
2. Ngamanggehang tatwa, susila kalih sesana tata-krama upacara upakara nganutin catur dresta.
3. Ngaraketang pasukadukan i krama banjar kalih krama desa
4. Nyejerang turmaning ngamanggehang tatujon kalih ngelaksanayang Panca Yadnya
5. Ngamecikang kalih ngupacara sakalwirin sane dados patut rerempon Desa Pakraman.

TRITYAS SARGAH
SUKERTA TATA PAKRAMAN

Palet 1

Indik Krama

Pawos 5

1. Sang sinanggeh dados krama Desa Pakraman Intaran, inggih punika sane sampun tedun nyungsung Kahyangan Tiga lan Pura Bale Agung kalih sampun tinut tedun makrama Banjar ring wewidangan Desa Pakraman Intaran.
2. Sang sakeng dura desa/krama Tamiyu sane misadia pacang magenah mapumahan ring Desa Pakraman Intaran, risampun suwenipun 6 (enem) sasih ring desa puniki dados tedun makrama banjar tur makrama Desa Pakraman saha nawur pacingkrem mapangarga 225 kilogram beras sane pinih becik.
3. Sang sane sampun prasida katerima dados krama Desa Pakraman risampun kasuratang ring buku pakraman raris kapidartayang ring banjar/ desa.

4. Sang sane sampun kasumekenang tedun makrama Banjar mangda taler nyinahang sapisira-sapisira kulawargannyane sane dados papatutan i krama punika.
5. Sang sane kabawos durung sumeken tedun mabanjar/ madesa raris mati utawi madrebe kapatian tur mapakayun pacang ngaben ring setra pakraman Desa Pakraman Intaran nawur panebas mapangarga 225 kilogram beras sane pinih becik.

Pawos 6

Indik Kelesa Makrama

1. Sang kapatut kelesa saking pakraman, lwiripun :
 - ha. Sangkaning pinunas ngaraga
 - na. Sang sane kararyanang antuk Prajuru Desa / Banjar malantaran tan wenten malih papatutan sane prasida matutang kamanggehane dados krama Desa / Banjar.
2. Sang sampun kasinahang kelesa makrama Desa / Banjar sang sane sampun kapademan surat wasta kalih pesengannyane ring pipil kalih buku pakraman turmaning kasiarang ring krama Desa / Banjar.
3. Kelihan Banjar patut nyadokang ring Prajuru Desa indik kawentenan i krama sane sampun kararyanang makrama Banjar.
4. I krama Desa sane sampun kasumekenang klesa manut bawos angka 1 (siki) ring ajeng, kangkat katerima malih makrama Desa yaning sampun katerima dados makrama Banjar.
5. Yan prade wenten krama Desa sinalih tunggil klesa makrama Desa kabiaktang ka Banjar-Banjar mangda sampunang ugi kauwehin ngamargiang kalih nunas upakara Adat/Agama. Bendesa Adat wenang ngutsahayang salanturipun mangda ja mawali becik malih makrama Desa/Banjar.
6. Prajuru Banjar patut ngawehin ilikita saha kadulurin antuk paneges mahawinan I krama punika mararyan utawi kararyanang

Pawos 7

1. Ikrama sane kararyanang saking Banjar pakraman malantaran saking tan becik congah, mamurug paswara Awig-Awig drestaning Banjar, dados malih katerima ring Banjar kawite saha nawur danda patulak lungguh manut kadi pamatut Banjar.
2. Yaning I krama sane inucap ring ajeng (bawos 1) jaga tedun makrama ring Banjar sewosan mangda nyinahang raga antuk ilikita tur tedune kasaksening antuk prajuru Desa, saha upakara atur pihuning ring Pura Bale Agung, masesar manut pangarga 125 kilogram beras sane pinih becik.

Pawos 8

Indik Krama Dura Desa/Krama Tamiyu

1. Sang sakeng Dura Desa/Krama tamiyu, patut tedun makrama Banjar tur makrama Desa Pakraman tur Krama Tamiyu sane sampun madruwe karang paumahan tur sampun jenek magenah ring Desa Pakraman Intaran, risampune masuwe 6 (enam) sasih ring desa puniki saha nawur jinah pacingkrem gung artha mapangarga 125 (satus salawe) kilogram beras sane pinih becik.
2. Yan prade wenten krama Tamiyu rawuh ngendon karya jenek jantos sasihan mainepan ring wargi utawi kakantenan nyane patut masadok ring Kelihan Banjar maduluran antuk surat ilikita, saha nawur jinah patulung baya gung artha mapangarga 3 (tiga) kilogram beras sane pinih becik kang adiri nyabran asasih, rawuh ring Banjar sane ngungku.
3. Sang saking dura desa, sane sampun kasumekenang tedun makrama Banjar/ Desa patut nyadokang kulawargannyane sane nyarengin magenah ring desa iriki.
4. Sang sakeng Dura Desa/krama Tamiyu sane durung kasumekenang tedun makrama Banjar, durung kadadosang mendem sawa ring setra pakraman ring desa iriki.
5. Krama Banjar sakeng dura desa/ krama Tamiyu., sadereng wenten 10 (dasa) warsa suwene makrama Banjar, durung madruwe pamatut utawi papatutan suwara memilih utawi kapilih dados prajuru Banjar.

Pawos 9

Indik Tata Kramaning Warga Desa

1. Nyejerang tur ngamanggehang pasuka dukaan manut indik upakara upacara - Panca Yadnya kalih halabaya sane sampun lumrah kalaksanayang ring desa / desa dresta.
2. Sang sane kabawos utawi kamanggehang Angga Geriya Gede, Jero Gede, Para Sulinggih, Pamangku Kahyangan Tiga/ Kahyangan Jagat, Prajuru Desa, patut luput ring papeson-peson Desa/Banjar.
3. Krama Desa ring wewidangan Desa Pakraman Intaran kawenangan ngamargiang tata kramaning warga desa puniki kadi sane lumrah kalaksanayang ring desa.
4. Sang sane luput ring papeson-peson Desa Pakraman utawi Banjar kadi inucap ring ajeng manut angka (2) tatkala kawentenang tawur/Karya ring Desa Pakraman patut ngamargiang ayahan lwir para isteri Geriya, Jero, juru matanding Upakara (Mancagra), para Sulinggih pamuput (Dangacarya), Para Pamangku, Prajuru Desa Pangenter karya (Yajamana)

Palet 2
Indik Prajuru Desa
Pawos 10
Pepalihan Prajuru Desa

1. Desa Pakraman Intaran kahenterang / kapidabdab antuk :
 - ha. Paruman Agung
 - na. Panuntun lwire :
 - (1). Para Sulinggih.
 - (2). Para Pamangku Kahyangan Tiga .
 - ca. Pangelingsir / Sasepuh, lwire :
 - (1). Sinanggeh Pangelingsir Angga Geria Gede.
 - (2). Sinanggeh Pangelingsir Angga Jero Gede.
 - ra. Kertha Desa
 - ka. Prajuru lwire :
 - (1). Bendesa
 - (2). Petajuh.
 - (3). Penyarikan.
 - (4). Sedahan/Patengen
 - (5). Kasinoman.
 - (6). Pesayahan
 - (7). Pangeremba.
2. Prajuru Desa Pakraman kaanggehang kalih kararyanang olih krama Desa Pakraman.
3. Prajuru Desa Adat kaanggehang suwenipun 6 (enem) warsa.
4. Yaning parade wenten kaiwangan-kaiwangan mabuat sinalih tunggil i prajuru tur sampun kasinahang antuk i krama, sang prajuru punika patut kararyanang sadereng tutug waneng 6 (enem) warsa.
5. I prajuru sane sampun kararyanang malarapan sangkaning kaiwangan tan dados malih kasudi/kaanggehang prajuru sasampune 6 (enem) warsa.
6. Sane dados kapilih / kaanggehang dados prajuru Desa Pakraman wantah sane sampun sah tur sampun jumenek magenah ring Desa Pakraman Intaran, samalihnya tan nahanin malaksana corah ring Negara Indonesia, / UUD. 1945 tur sampun nedunin makrama Banjar tur mayusa sakirang-kirangnya 30 (tigang dasa) warsa.

Pawos 11

Swadarmaning Prajuru

1. Prajuru Desa Pakraman kasukserahin amongan karya buat ngardi sukertaning desa matutang aci - aci ring desa.
2. Risajeroning ngamargiang karyannyane sadina-dina prajuru dados ngangkat pangliman minakadi : kasinoman pinaka juru arah ngamargiang surat miwah sewosan sane manut wewidangan pahindikan – pahindikan.

Pawos 12

1. Bendesa wenang ngamanggehang daging indik ngupahayu jagat.
2. Bendesa mangda setata nureksain indik tata cara desa pakraman mangda sampunang jantos wenten ikrama desa mamurug kertaning desa.
3. Bendesa wenang nureksain menawite wenten karusakan-karusakan salwirin padrebean amongan parempon desa.
4. Bendesa kapatutang ngamargiang daging Awig-Awig puniki.
5. Bendesa patut ngawentenang ilikita kalih catetan krama sane lekad, mati/seda, utawi sane matinggal ke dura desa.

Pawos 13

Penyarikan kapatutan danene inggih punika nyuratang sakalwirin pamutus bawos paparuman, mekarya sewalapatra, dedaunan miwah sane sewosan, pinaka pangeremba Bendesa sadina-dina.

Pawos 14

Sedahan/Patengen wenang dane :

1. Ngetangan sakelwirin padrebean desa (pelaba desa).
2. Natasang sakelwirin padrebean desa sajeroning pasangkepan

Pawos 15

Kasinoman/juru arah patut ngamargiang dadawuhan malih sewosan sane manawi nyandang kalaksanain salantur ipun kaepah olih Bendesa :

1. Kasinoman pinaka juru arah patut ngamargiang dedawuhan malih sewosan sane menawi nyandang kelaksanain salantur ipun kapituduhin olih Bandesa, nyuwarang kulkul miwah sewosan.
2. Sewosan ring kasinoman tan kapatutang nyuwarang kulkul, sajaba wenten kalugraha saking prajuru Desa/Banjar.
3. Yan prade wenten sang sane tan tinut kadi bawos ring ajeng angka (2), patut keni danda marupa marerisak ring Pura/ Bale Agung selaminnya 7 (pitung) rahina.

Pawos 16

Tata Kramaning Ngewangun Pakraman Banjar Adat

Sane patut dados kaangkenin Banjar yaning sampun madrebe krama sekirang-kirang ipun 30 (tigang dasa) kulawarga, sampun maciri madrebe genah miwah prajuru saha runtutannyane.

Pawos 17

1. Prajuru Banjar kapilih tur kararyanang manut kadi daging Awig - Awig (paswara) ring Banjar sowang-sowang tur manut pamutus daging pararem.
2. Sane dados kaadegang pinaka prajuru Banjar sang sane sampun jenek mawedesa ring Desa Pakraman puniki, medrebe karang /paumahan tur maagama Hindu.
3. Prajuru Banjar wenang nyadokang kawentenang prajurunnyane samalihnya nyabran wenten pagentosan - pagentosan, prajuru Banjar patut nguningayang ring Bendesa.

Pawos 18

Prajuru Desa meraryan saking agem-ageman prajuru melantaran saking :

- Mati/seda/lampus,
- Pinunas ngeraga (Sangkaning kelesa, ninggal Desa)
- Kararyanang olih paparuman Banjar sehantukan tan wenten papatutan malih sane kamanggehang dados prajuru antuk kaiwangannyane sane mabuat.

Palet 3

Indik Paruman

Pawos 19

1. Pasamuhan utawi paruman Desa sane kamanggehang inggih punika, pasamuhan agung, miwah pasamuhan prajuru Desa, malih paruman para Sulinggih.
2. Pasamuhan Agung kawentenang sekirang-kirang nyane ngawarsa sapisan manut tahun saka tur karawuhin antuk krama Desa melantaran saking wali/utusan saking Banjar - Banjar.
3. Pasamuhan prajuru Desa kawentenang tan paangkenan / patgatakala manut ring mabuat pahindikanne sane pacang kabawosang, nanging sekirang-kirangnya 6 (enem) sasih sapisan, tur karawuhin antuk prajuru Desa sami.
4. Tatkala pacang ngawentenang pasamuhan Agung, mangda kacirenin antuk swaran kulkul Desa.
5. Pasamuhan para Sulinggih kawentenang manut ring mabuat pahindikanne sane pacang kabawosang. Ritepengan puniki prajuru patut nuwur para Sulinggih.
6. Rikala kawentenang paruman Sulinggih para juru desa sakirang-kirangnya

Bendesa, Penyarikan mangda ngamiletin.

7. Ring sajeroning ngawentenang pidabdab ring Desa Pakraman, Paruman Sulinggih patut nibakang pamatut pamargi kalih bawos.
8. Daging pamuput bawos paruman para Sulinggih katibakang ring pasamuhan prajuiu utawi pasamuhan Agung.

Pawos 20

1. Pasamuhan Banjar kawentenang manut kadi drestane sane sampun mamargi utawi kamargiang ring Banjar-Banjar, sekirang-kirangnyane 6 (enem) sasih apisan.
2. Kawentenang tan paangkenan, yan menawi wenten paindikan sane mebuat pisan sane patut prasida agelis molihang parareman bawos.

Pawos 21

Salwiring pamuput bawos ring pasamuhan mangda kadasarin antuk paras-paros, nanging sakirang-kirangnyane yan sampun pawilangan kramane utawi pangarawuh atengah langkung asiki ring sane katuwur.

Pawos 22

Krama tamyu sane jenek mapaumahan tur durung wenten masuwe tedune makrama Banjar/desa 10 (dasa) warsa, dereng madrebe pamatut swara kapilih utawi mamilih.

Pawos 23

Tatkala pacang ngarawuhin utawi ngamiletin ring pasamuhan mangda setata mabusana adat, sekirang-kirangnyane patut ngangge busana adat madya.

Pawos 24

Ring sajeroning pasangkepan-pasangkepan Banjar, Pasamuhan Agung utawi Pesamuan prajuru, sang sane ngarawuhin kalih ngamiletin patut nyejerang pisan Tri Sila (Tri Kaya Parisuda) tan kapatutang ngamedalang swara tan rahayu.

Palet 4
Indik Tatengeran/Kukul
Pawos 25
Tata Sulur Swaran Tatengeran / Kukul

1. Tatengeran/Kukul sane wenten ring Desa Pakraman Intaran Iwire .
 - ha. Kukul druwen Desa Pakraman.
na. Kukul druwen Banjar.
ca. Kukul druwen Sekaa - Sekaa.
- 2 Swaran Kukul Desa Pakraman pinaka ciri kawentenang karya, Iwire :
 - ha. Paruman Agung Desa Pakraman.
Swarannya : Lambat. Lanang Wadon (Tung - Tit) suwen ipun sawatara 15 (limolas) kelentung.
Imba : o...ooo...o...o,,o...o,,...o...o...ooo
 - na. Rikala pacang ngelungaang Ida Bhatara Melasti utawi budal saking melasti risedekan kawentenang Upacara Tawur Kasanga, Tawur Ngusaba Desa, Upacara Padudusan Agung ring Kahyangan Tiga / Kahyangan Jagat.
Swarannya : Bulus Lanang Wadon (Tung - Tit) masuwe jantos Ida Bhatara ngalintang mamargi.
Imba : o.o.o.o.o.o.o.o.o,o.o,o.o.o.o.o.o.o.o.o.
3. Swaran kukul Banjar, pinaka ciri kawentenang pakaryan Banjar miwah sahanan ipun.
 - ha. Kepatian.
Swarannya . 3 (Tigang) tabuh, 12 (Roras) kelentung
Imba : o...ooo...o...ooo...o...ooo.
 - na. Pakaryan Banjar.
Swarannya : Lambat masuwe sawatara 15 (limolas) kelentung.
Imba : o...ooo...o...o...o...o...o...o...o...o...ooo.
 - ca. Kaicalan/ Kamalingan.
Swarannya : Bulus tulus kalih suwen ipun tan kawilangin jantos kasaurin antuk Kukul lianan maka ciri mapitulung.
Imba : oo...oo...oo...oo...oo...oo...oo...oo.
 - ra. Kaamuk / Ngamuk.
Swarannya : Bulus tulus siki suwen ipun tan kawilangin lantos kasaurin antuk Kukul lianan maka ciri mapitulung.
Imba : o.
 - ka. Gni Bhaya.
Swarannya : Bulus tulus 5 (lima) suwen ipun tan kawilangin jantos kasaurin antuk Kukul lianan maka ciri wenten mapitulung.
Imba : ooooo.ooooo.ooooo.ooooo.ooooo.ooooo.ooooo.

Palet 5
Indik Druwen Desa
Pawos 26

1. Padruwen Desa Pakraman Intaran sakadi ring sor puniki :

- ha.* Pura Bale Agung
- na.* Bale Wantilan
- ca.* Lembaga Perkreditan Desa (LPD)
- ra.* Nyasa/ Sasanthi
- ka.* Awig-Awig
- da.* Pupulan Pararem
- ta.* Pacalang
- sa.* Pangangge Pura
- wa.* Setra

2. Catu kalih Pangolih-olihan Desa

- ha.* Urunan Banjar-banjar
- na.* Aturan/Dana Punia kalih aturan sane madasar saking pikayunan nulus semalihnya nenten martupa kapaksa.
- ca.* Paica saking Guru Wisesa
- ra.* Usaha-usaha sane nenten tiwal kalih lempas ring pamatut Guru Wisesa.
- ka.* Lembaga Perkreditan Desa (LPD)

Palet 6
Indik Sukerta Pamitegep
Pawos 27
Papayonan

1. Tan kapatutang nandur tanem tuwuh/ taru ageng lwire : kelapa, poh, suwar, bunut, miwah sakancan punika, ring patelajakan/jaba.
2. Sane patut katandurin, lwire sane kagunan ipun pinaka riasan minakadinipun, kelapa alit/anggal, kelapa gading, miwah sarwa sakancan sekar.

៣៧ បើក៏យល់ថាបេតិកភណ្ឌនេះព្រមទាំងបញ្ជីនិងបញ្ជីនៃបេតិកភណ្ឌនេះក៏ដូចគ្នា
ទៅគ្នាព្រមទាំងបញ្ជីនិងបញ្ជីនៃបេតិកភណ្ឌនេះក៏ដូចគ្នា

៣៨ រាងកាយនិងបញ្ជីនៃបេតិកភណ្ឌនេះក៏ដូចគ្នា
បញ្ជីនិងបញ្ជីនៃបេតិកភណ្ឌនេះក៏ដូចគ្នា

៣៩ បេតិកភណ្ឌនេះក៏ដូចគ្នា
បញ្ជីនិងបញ្ជីនៃបេតិកភណ្ឌនេះក៏ដូចគ្នា

៤០ បេតិកភណ្ឌនេះក៏ដូចគ្នា
បញ្ជីនិងបញ្ជីនៃបេតិកភណ្ឌនេះក៏ដូចគ្នា

បទប្បញ្ញត្តិ

បេតិកភណ្ឌនិងបញ្ជីនៃបេតិកភណ្ឌនេះក៏ដូចគ្នា

៤១ បេតិកភណ្ឌនេះក៏ដូចគ្នា
បញ្ជីនិងបញ្ជីនៃបេតិកភណ្ឌនេះក៏ដូចគ្នា

៤២ រាងកាយនិងបញ្ជីនៃបេតិកភណ្ឌនេះក៏ដូចគ្នា
បញ្ជីនិងបញ្ជីនៃបេតិកភណ្ឌនេះក៏ដូចគ្នា

៤៣ បេតិកភណ្ឌនេះក៏ដូចគ្នា
បញ្ជីនិងបញ្ជីនៃបេតិកភណ្ឌនេះក៏ដូចគ្នា

៤៤ បេតិកភណ្ឌនេះក៏ដូចគ្នា
បញ្ជីនិងបញ្ជីនៃបេតិកភណ្ឌនេះក៏ដូចគ្នា

3. Pangemong telajakan mangda setata ngawentenang rerisak ring patelajakan utawi ring lebhnyane sowang-sowang saha nenten ngerusak telajakan anak sewosan.
4. Sowang – sowang karang utawi karang pumahan sane nyanding margi wenang madrebe got utawi talikunda saha titi ring lebhnyane. Sajeroning pacang mekarya titi punika, mangda karembugin rihin sareng pisaga sane sareng medal mantuk ngangge titi punika.
5. Wawangunan warung utawi penggak genah madolan utawi salwirin wawangunan sane wenten ring sisin margi, babatarannyane tan lugraha ngalintangin wates utawi penyengker umah utawi sakirang – kirangnya tan dados nyapcapin panyengker.
6. Tan kapatutang ngenahang barang – barang utawi sakelwirin reramon wewangunan ring sajeroning margi masuwe – suwe, paling suwe arahina (24 Jam). Malih tan kapatutang ngenahang barang – barang ring telajakan pura. Tan dados majemuhan ring wawidangan jaba pura, genah suci, malih tan kapatutang majejemuhan ring telajakan, tembok panyengker sane makanten saking margi, sane marupa pangangge, perabot paumahan miwah sakancanipun.

Pawos 28

Tata Kramaning Makarya Panyengker / Wates

1. Sane kabawos panyengker wates huluan, lwir ipun : kaler miwah kangin ring pakarangan paumahan utawi tegal, wenang katempuhang abehnya ring sang madrebe karang, paumahan utawi tegal punika. Punika salantur ipun sane magenah ring teben.
2. Sowang-sowang krama Desa patut miara kalih ngarerisak utawi mecikang panyengker utawi wates huluan sisi kaler saren, sisi kangin, pakarangan paumahan, lebu, telajakan utawi tegal nyane, sane kagenahin utawi kaderebeang.
3. Pinaka wates pakarangan paumahan utawi tegal tan kapatutang mapageh kalih nandur tanem tuwuh minakadin ipun suwar, bingin, kelapa, bunut ageng miwah sakancan punika.
4. Tanem tuwuh utawi wit taru ageng minakadi kelapa, bunut, bingin, suwar, poh, miwah sakancan punika, sane nyantos naonin karang paumahan utawi tegal sawah padrebean anak sewosan utawi ngungkulin margi, olih sang madrebe utawi nandur tanam tuwuh punika, patut nebtubin carang taru-taru punika. Yan tan asapunika sang madrebe karang paumahan utawi tegal sawah dados malaksana nebtub nanging sadurung malaksana pinih becik ngawentenang

paswaka utawi bawos ring sang madrebe tanam tuwuh punika sakirang--kirangnya ping 3 (tiga). Yan langkung ring ping tiga pasadok punika tan kadagingin wawu dados malaksana nebtob, nanging patut kasaksiang olih Kelihan Banjar karih Prajuru Desa.

5. Yaning wenten taru bah saha ngarubuhin kalih ngarusak pakarangan miwah sakwirin wawangunan padreben anak lian, sawah, margi, patut sang madrebe taru punika nawur prabea ring sang katempuh karusakan. Ageng alit prebea punika masukserah ring Prajuru Banjar kasarengin antuk Prajuru Desa ngamargiang pematut.

Pawos 29

Wawangunan

1. Asing-asing pidabdab pacang ngewangun utawi makarya panyengker, wates pageh pakarangan paumahan utawi Tegal, sang makarya utawi ngenken makarya punika utawi sang madrebe panyengker, ngawentenang pisadok ring sang sane madrebe paumahan utawi tegal sane nyanding, indik pidabdabe punika.
2. Makarya panyengker, tembok, wates pakarangan paumahan utawi umah sane nyanding utawi makadin lawan karang Pura utawi Pura , patut mapaembang 5 (limang) meter, utawi sakirang-kirangnyane mangda sampunang nyapcapin panyengker Pura.

Pawos 30

Wewalungan

1. Tan kapatutang ngalumbarang sakelwirin ubuh-ubuhan (suku pat) kapakarangan anak lianan utawi ka margi.
2. Yan wenten sakalwirin ubuh-ubuhan (suku pat) malumbar, ngeranjing ring pakarangan anak lianan, sang medrebe pakarangan punika wenang ngawentenang papelungguhan ring sang madrebe ubuh-ubuhan (suku pat) punika.
3. Yan wenten sakelwirin ubuh-ubuhan (suku pat) melumbar, ngeranjing ring pakarangan anak lianan tur ngerusak, sang medrebe pakarangan utawi katiben karusakan punika, wenang nenden sang madrebe ubuh-ubuhan punika, saha kalaksananin olih Prajuru Banjar/Desa.

**CATURTAS SARGAH
SUKERTA TATA CARA AGAMA**

Palet 1

Indik Dewa Yadnya

Pawos 31

1. Yan makarya bebanten/aturan ke Pura, wenang tirtain rihin bebanten utawi aturane antuk tirtan Sang Sulinggih, muwang tirtan Pamangku nanging sane sampun huning ring gagelaran/kaputusan Sang Kul Putih, punika wenang amuja tirta, wenang nibakang tirta ring sakelwirin Widhi Wedana, mwang caru ring Sang Kala Bhuta Dengen.
2. Yan pamangku tan huning bawos Sangkul Putih, melaksana nibakang tirta, tan luputa ring bisama Bhatara Tiga Wisesa. Daging Bisama : " JAH TE SMAT WASTU, TAN PE'MANGGIH RAHAYU SELAMPAH LAKUNYA ". Asapunika pemastun Ida Bhatara. Asapunika Pamangku yan pacang nibakang tirta ring aturan-aturane mangde nunas tirtan Ida Pedanda.
3. Aturane sane kabawos leteh lwire : kalangkahin asu, kacebceb olih numbas ring pasar, kaadol antuk wong campur/letuh, anak ngapak rikala matanding, mamisuh-misuh rikala matanding, kerarabin odak, rambut, kasiratin widuh, kaiberin ayam, puniki makasami mawastu/mahawinan letuh, patut tibakin tirta bebantene utawi aturane rihin antuk tirtan pabersihan, pangelukatan. Yan sampun polih tirta wawu kabawos purna jati nirmala, wawu dados aturang ring Bhatara mwang Dewa, Butha (Widhi Tatwa).
4. Yan tan katirtain bebantene, saksat panundung Dewa, lwir masangin pengalah, asapunika daging Widhi Tatwa.
5. Yan wenten anak tedun utawi karawuhan tan saking katuwur, tur ngaku-ngaku Dewa Pengaloke, Sang Pamangku Kahyangan Desa/Jagat, utawi Pura sewosan, kasaksinin olih Prajuru Banjar, Pemaksan, Prajuru Desa, wenang mintonin antuk baan kau, sawatara acangkop, suwen ipun apenginangan, maduluran daksina, canang, kapintonin ring ajeng Pura punika. Yan ngebusin apine punika ring dewek sang karawuhan punika tan wenten jati keranjingin Widhi, Dewa, Butha Kala, wenang keni danda akweh 100 (satus) kilogram beras sane pinih becik, malih ngaturang panyepuhan ring Pura, antuk daging kaiwangan ipun.
6. Yan wenten anak istri sedeng letuh, mewastra anyar, tur rawuh ka Pura ngaturang banten/mebakti, manah ipun nyaruang letuhnya sakewanten wenten anak uning daweg punika, nanging tan ngarawuhang pahindikan ring pangetang Pura utawi pamaksan Pura, yan sampun mabukti, wenang sang letuh sareng sang ngantenang utawi uning indike, wenang danda 75 (telung benang) kilogram beras sane pinih becik tur ngaturang panyepuhan, antuk kaiwangan

nyane nyaru-nyaru pateh kadi maling.

7. Yan wenten anak nedunang pangadegan Pura, Arca Prelingga , daksina salwirin pula-paline magenah ring Pura/gedong samalihnya anake punika boya Prajuru, yan tan saking pituduh Pamangku mwanng pamaksan, saking bisa-bisa dewek, wenang dosa/danda, ngaturang panyepuhan mwanng caru Panca Kelud, Prayascita lwih. Kaiwangannya antuk gancang (kuping liwatin tanduk).
8. Indik cuntaka Pamangku.
Pamangku tan keneng cuntaka.
Pamangku majenukan cuntaka 3 (tigang) rahina, wenang Prayascita. Wargi ngarep mati, Pamangku keni cuntaka 7 (pitung) rahina puput, wenang Prayascita. Yan durung puput/maprayascita, prade ngaturang canang ka Pura wenang pamangku keni danda mapangarga 80 (ulung dasa) kilogram beras sane becik saha ngaturang banten panyepuhan ring pura punika.
9. Tan dados ka Pura :
Yan wenten anak buduh ngranjing ka pura I pemaksan utawi pangetang pura patut nulakang tur mapelungguhang ring sang madrebe papatutan utawi anak buduh punika, wus asapunika I pemaksan utawi sang pangetang Pura patut ngaturang Prayascita, ngaturin sang sulinggih muput Prayascitane utawi bebantene punika. Sang madrebe anak buduh punika utawi papatutan punika wenang nawur danda a kwintal beras sane pinih becik antuk kaiwangannya tan Upeksa.
10. Yan wenten padreben Pura, Pengerangsuk, Prelingga, mwah pinakadi punika kemalingan, patut I pemaksan utawi pangetang Pura ngaturang guru piduka, menyawang, caru Panca Kelud, wireh banget cemer.
11. Yan wenten jadma mati ring Pura, ikrama desa/pamaksan utawi pangetang Pura, wenang ngaturang sang madrebe kapademan, wenang ipun ngaturang karya pamuput, caru Panca Wali Krama, saha padagingan ring Pura, bangetang letuh pateh kadi letuh wong akrida ring Pura.
12. Yan wenten anak ngapak ring Pura kala piodalan, utawi rarahinan alit ring Pura, wenang ipemaksan nundung kaumahnya, sang ngapak utawi mamisuh patut keni danda mapangarga 50 (seket) kilogram beras sane pinih becik, ngaturang prayascita lwih ring Pura, Panyepuhan ring Pamangku.
13. Yan wenten anak masiat ring Pura tur nandang tatu nyantos tiba rahnya, wenang danda tunggal sapangarga 5 (limang) kwintal beras sane pinih becik, panyepuhan, madudus, caru Panca Kelud.
14. Yan wenten anak akrida ring Pura, wenten sane ngamanguhin, sang ngamanguhin punika tan nguningayang ring pamaksan utawi pangetang Pura, raris kaciren anake masanggama punika, dosa gung artha mapangarga 5 (limang) kwintal beras sane pinih becik, saha mahayu Pura, ageng upakarannya. Sang ngamanguhin danda mapangarga 2 (kalih) kwintal beras sane pinih

becik, salahnya " mulat-weneng " tumon corah ".

15. Yan wenten anak munggah ring Bale genah Bathara mahias, saha ngarusak padreben Pura, sakelwire karusak, wenang dosa/danda Etang pangargane sane karusak.
16. Sang sane malinggih/ngalinggihin salwirin sane kabawos Palinggih, danda gung artha saha panyepuhan mapangarga 2 (kalih) kwintal beras sane pinih becik.
17. Yan wenten anak munggah ka Gedong/Palinggih tan pesadok ring Pamangku wenang dosa/danda gung artha mapangarga 2 (kalih) kwintal beras sane pinih becik saha panyepuhan.
18. Yan wenten anak malaksana kadi anewasraya, anewayasa tan kasarengin Pamangku, raris munggah ring Gedong/ palinggih, sewosan ring I krama pamaksan Pura, wenang dosa/danda anake kadi punika gung artha mapangarga 5 (limang) kwintal beras sane pinih becik, patut kadalih mamasang pengalah. Yan pamaksan prade asapunika, mwanng i krama Desa, dosa/danda mapangarga 2,5 (kalih tengah) kwintal beras sane pinih becik, ngaturang upakara padudusan ring Pura, prayascita, nuwur Pedanda. Kabawos langgah langgana.
19. Rikala Pamangku ngaturang puja wali nyanjan ring Pura, wenang kadulurrin kidung warga sari, prade wenten jadma precampah pajarnya, tur mamisuh-misuh, awak-awak ring Pura, dosa ngaturang panyepuhan pengenteg linggih. Kaiwangannya precampah, campuring ucap ngaranya.
20. Yan wenten anak bajang/dehe teruna, meweci, nguyuh/manyuh, ring Pura wenang dosa ngaturang caru Panca Kelud, Panca Sata.
21. Tan kapatutang ngenahang upakara/upacara Manusa Yadnya ring Pura Bale Agung genah paparuman Pralingga Bhatara.
22. Sapa sira ugi I krama desane sane pacang ngaturang upakara utawi banten aturan ke Pura Bale Agung, minakadi pesakapan-ngangkid, miwah kadi punika, wenang nguningayang rihin ring Pamangku utawi pangemong kalih Bendesa.

Pawos 32

Pujawali ring Kahyangan Tiga Desa utawi Pura-Pura Sewosan :

1. Pura Bale Agung : Buda Kliwon Dungulan
2. Pura Desa : Buda Kliwon Dungulan
3. Pura Dalem Penataran : Anggara Kliwon Tambir
4. Pura Dalem Mimba : Anggara Kliwon Tambir
5. Pura Kahyangan Setra : Buda Umanis Julungwangi

Malih wenten rahina pujawali ring Pura-Pura Desa Jagat kalih Pura Penyawangan/Pemaksan :

1. Pura Agung : Buda Kliwon Sinta
2. Pura Batur : Buda Wage Langkir
3. Pura Kembar : Buda Umanis Tambir
4. Pura Segara : Purnamaning Sasih Kedasa
5. Pura Dalem Maspait : Buda Kliwon Paang/Pegatuakan.
6. Pura Taman Segara : Saniscara Kliwon Wayang
7. Pura Siwa Dampati : Purnamaning Sasih Kapat
8. Pura Dalem Sindu : Purnamaning Sasih Kedasa
9. Pura Mertasari : Purnamaning Sasih Kedasa
10. Pura Rambut Siwi : Purnamaning Sasih Kapat
11. Pura Batur Kelodan : Buda Manis Medangsia
12. Pura Giri Kusuma : Saniscara Kliwon Wayang
13. Pura Indra Giri : Purnamaning Sasih Kedasa
14. Pura Dalem Pangembak : Purnamaning Sasih Kedasa
15. Pura Dalem Sukamertha : Purnamaning Sasih Kaenem
16. Pura Kesuma Jati : Saniscara Kliwon Wayang
17. Pura Metel : Purnamaning Sasih Kapat
18. Pura Cemara Geseng : Purnamaning Sasih Kelima
19. Pura Dalem Jumenang : Purnamaning Sasih Kapat

ບາບາສິນໄຕ໊

ສັງຄົມສູງກະຖິງທາດທາງນາມເຖົ້າ

ກິລິດາກາລິສັງຄົມສູງກະຖິງທາດທາງນາມເຖົ້າ ຕູ້ກາລິ ຍິສະສາດິມນິບບາດສາລິ ພຸດ ສຸຍ

ທາດທາດສບກສູງທາດມາ (ເກີດຍາ) ບາດສູງສາລິ ນິງກະ

ບາດສູງສາລິ ຕາ ຕາກວ່າຕາດສາລິ ຕາກວ່າບາດສູງສາລິ ຕາກວ່າທາດບາດ ຕາກວ່າສິຍະ

ບາດສູງສາລິ ຕາ ຕາກວ່າຍາກ ຕາກວ່າບາດສູງສາລິ ຕາກວ່າທາດສູງສາລິ

ບາດສູງສາລິ ຕາ ຕາກວ່າທາດສາລິ ຕາກວ່າສິສູງສາລິ

ບາດສູງສາລິ ຕາ ຕາກວ່າບາດສາລິ ຕາກວ່າທາດສາລິ ຕາກວ່າບາດສາລິ ຕາກວ່າບາດສາລິ

ບາດສູງສາລິ ຕາ ຕາກວ່າສິສູງສາລິ ຕາກວ່າທາດສາລິ ຕາກວ່າທາດສາລິ

ບາດສູງສາລິ ຕາ ຕາກວ່າທາດສາລິ ຕາກວ່າສິສູງສາລິ

ບາບາສິນໄຕ໊

ເຖົ້າທາດສູງສາລິ

ທາດສູງສາລິ ຕາກວ່າທາດສາລິ ຕາກວ່າທາດສາລິ ຕາກວ່າທາດສາລິ

ຕາ ທາດສູງສາລິ ຕາກວ່າທາດສາລິ ຕາກວ່າທາດສາລິ

ຕາ ທາດສູງສາລິ ຕາກວ່າທາດສາລິ ຕາກວ່າທາດສາລິ

ຕາ ທາດສູງສາລິ ຕາກວ່າທາດສາລິ ຕາກວ່າທາດສາລິ ຕາກວ່າທາດສາລິ

ທາດສູງສາລິ

1 ທາດສູງສາລິ ຕາກວ່າທາດສາລິ ຕາກວ່າທາດສາລິ

ທາດ/ທາດສູງສາລິ ຕາກວ່າທາດສາລິ ຕາກວ່າທາດສາລິ ຕາກວ່າທາດສາລິ

ທາດສູງສາລິ ຕາກວ່າທາດສາລິ ຕາກວ່າທາດສາລິ ຕາກວ່າທາດສາລິ

ທາດສູງສາລິ

2 ທາດສູງສາລິ ຕາກວ່າທາດສາລິ ຕາກວ່າທາດສາລິ ຕາກວ່າທາດສາລິ

ທາດສູງສາລິ ຕາກວ່າທາດສາລິ ຕາກວ່າທາດສາລິ

3 ທາດສູງສາລິ ຕາກວ່າທາດສາລິ ຕາກວ່າທາດສາລິ ຕາກວ່າທາດສາລິ

ທາດສູງສາລິ ຕາກວ່າທາດສາລິ ຕາກວ່າທາດສາລິ ຕາກວ່າທາດສາລິ

ບາບາສິນໄຕ໊

ທາດສູງສາລິ

1 ທາດສູງສາລິ ຕາກວ່າທາດສາລິ ຕາກວ່າທາດສາລິ

2 ທາດສູງສາລິ

3 ທາດສູງສາລິ ຕາກວ່າທາດສາລິ

4 ທາດສູງສາລິ ຕາກວ່າທາດສາລິ

5 ທາດສູງສາລິ

Pawos 33

Nangkepin abeh ring Desa Bale Agung

Ring sajeroning nangkepin abeh ring Desa Bale Agung Intaran, pinakadi salwir wawangunan, Yajna, krama desa kaparak dados 6 (enem) Panyatusan, lwire :

Panyatusan ka 1. Banjar Gulingan, Banjar Abiantimbul, Banjar Tewel Sari, Banjar Semawang.

Panyatusan ka 2. Banjar Medura, Banjar Pekandelan, Banjar Batujimbar.

Panyatusan ka 3. Banjar Danginpeken, Banjar Sindu Kelod.

Panyatusan ka 4. Banjar Penopengan, Banjar Belanjong, Banjar Puseh Kangin, Banjar Puseh Kauh.

Panyatusan ka 5. Banjar Singgi, Banjar Langon, Banjar Panti, Banjar Betngandang

Panyatusan ka 6. Banjar Taman Sari, Banjar Sindu Kaja

Pawos 34

Tingkahing Ngranjing Ke Pura

Tan lugraha ngranjing ke Pura, inggih punika anake sane :

1. Durung ical sengker cuntakanya utawi sebelnya.
2. Anak buduh, gering agung utawi sane kabawosang gering agung.
3. I krama desa sane pacang ngranjing ke Pura wenang ngangge selempot utawi nyelempot utawi mesesenteng yaning anak istri.
4. Sajabaning kadi inucap ring sor puniki, minakadi :
Bala/tentera, polisi, sedek ngalaksanayang tugasnyane, petugas-petugas negara utawi sewosan sane sedek ngalaksanayang tugas danene, punika maka sami dados ngranjing ke Pura, tan saha busana adat.
5. Yan wenten tamiyu/turis pacang ngranjing ke Pura sedekan Pujawali sangkaning misadia manah ipun pacang ngaturang sembah, wenang ngangge busana adat ke Pura.
6. Yan wenten tamiyu/turis ngranjing ke Pura risedekan tan wenten Pujawali, wenang ngangge selempot utawi ambed. Sadurungnyane patut rihin nguningayang ring sang pangetang Pura.

Pawos 35

Ngadegang Pamangku

1. Ngadegang Pamangku Kahyangan Tiga, manut dudonan sangkaning.
ha. Santana.
na. Mapinunas pamuwus.
ca. Parareman krama Desa Pakraman
ra. Kecatri.

2. Yaning pamangku tan madrebe sentana lanang, wenang i pemaksan utawi kraima Desa memilih/ngerereh saking sewosan jaga pacang kaadegang Pamangku, saha upakara madengen-dengen ring Dewa, mawinten marajah, kajaya-jayain antuk Pedanda.
3. Risampune madeg Pamangku, yan malih ngambil rabi sampun puput mesakapan, wenang I pamangku nyepuh raga, ngaturang penyepuhan ring Pura saha luh dane masepuh, mewinten.
4. Mwah pamangku yan katurin nunas ica olih sang maturan utawi mapinunas, yan tan mabersih mapeningan, yan kari romon, raris laju maturan, wenang dosa ngaturang penyepuhan ring palinggih.
5. Pamangku yan pacang mungguh ring pelinggih Bhatara maturan, marerisak ring pelinggih, ngaturang pesucian, mapelawa, maceniga, nyaksenin banten, wenang abusana bersih, mapeningan. Yan tan asapunika pamangku punika dados karayanan kamadegane kadi Pamangku, kebawos karered ring sanak Pamangku.
6. Pamangku patut malajahin kaputusan Sangkul Putih, indik mantra pengastawa ring Dewa-Dewa. Prade Pamangku tan huning ring sastra, wenang ngangge rerambangan, malih yan tan pisan ngangge sesapan puput sami ngangge atur Bali, nirdon pisan pamargine, makadi pamangku sampun majaya-jaya, mawinten, marajah, tur tan huning ring sastra.

Pawos 36

Indik Pinanditha / Pamangku

1. Pawintenan utawi podgalan.
Sang pacang mawinten/mapodgala maka buatang pacang ngemangkunin, nyonteng, pacang ngenterang Yadnya, patut masadok ring Kelihan Banjar utawi Bendesa.
2. Prajuru inucap patut mikukuhin, nitenin mangda pamargine manut ring kecap sastra Agama miwah Dresta.
3. Yan tan terima ring tatiwak, prajuru inucap dados nunas pamatut ring sang rumawos makadi Parisada utawi Guru Wisesa.

Pawos 37

Swadarman Pamangku lwire :

- (1). Ngenterang upacara piodalan ring Kahyangan utawi ring Parhyangan sowang-sowang manut dudonan.
- (2). Pamangku tan kapatutan salab-sulub, yan mamurug wenang Pamangku inucap nyepuhin raga.

- (3). Pamangku patut malajahin kaputusan Sang Kulputih indik mantra pangastawa ring Dewa. Pamangku sane tan uning ring sastra wenang ngangge rerambangan/sesapan sane patut nganggen atur Bali.

Pawos 38
Tata Titi Pamangku

1. Prajuru patut mastikayang pamangku-pamangku sane kengin munggah tedun ring palinggih/kahyangan Desa miwah ngiyas pralinggannyane.
2. Sajabaning kapastikayang kadi ring ajeng, prajuru patut taler mastikayang sang sane dados patapakan, pedasaran, prakulit, pangadegan, sane patut pingitan kasuciannyane.
3. Prajuru tan maren nureksa mangda pamangku ajeg nganutin sahananing laksana tur nyihnayang kasucian.
4. Prajuru patut mastikayang indik upakara piodalan/pujawali ring Kahyangan Tiga Desa Pakraman Intaran, miwah aci-aci

Pawos 39
Rerempon Desa Pakraman

1. Sane manggeh rerempon Desa Pakraman lwir ipun : Pura Kahyangan Tiga minakadi Pura Puseh, Pura Desa, Pura Dalem, Kahyangan Setra, Pura Bale Agung, Bale Wantilan, Petunon/Setra, miwah sane sewosan sane kamanggehang dados rerempon Desa Pakraman.
2. Krama Desa wenang miara sakalwirin sane manggeh rerempon Desa Pakraman.

Pawos 40

Risajeroning ngupa ayu Pura Kahyangan Tiga, mungging ayahan, kasukserahang ring Banjar manut dresta kadi ring sor puniki :

Pura Desa antuk Banjar . Gulingan, Semawang, Puseh Kangin, Puseh Kauh.

Para Dalem Mimba antuk Banjar: Penopengan, Pekandelan, Belanjong.

Pura Kahyangan Setra antuk Banjar : Medura, Tewel Sari.

Pura Agung antuk Banjar : Danginpeken, Abiantimbul, Panti.

Pura Dalem Penataran antuk Banjar : Taman Sari, Sindu Kelod, Batujimbar.

Pura Dalem Maspait antuk Banjar: Singgi, Langon.

Pura Dalem Sindu antuk Banjar : Sindukaja.

Pawos 41

Pura Bale Agung/wantilan, karemonin kalih kasungkemin antuk Banjar-Banjar sami, mungwing ayahan saha prebea ngupa ayu utawi mecikang.

Pawos 42

Ring Desa Pakraman Intaran wenten Setra kakalih, asiki magenah ring pesisi kangin ring Santrian, manut genah kebawos "Sema Santrian", malih asiki magenah ring wawengkon/nampek Banjar Medura, kebawos "Sema Medura".

Mungwing kagunanipun minakadi pedum genah mendem sawa, olih Desa sampun kawentenang utawi kakaryanin wewengan manut kadi nguni-nguni. Malih wenten sema Bajangan lan sema Suwung.

Palet 2

Indik Rsi Yadnya

Pawos 43

Indik Sulinggih

1. Sang pacang mapodgala/dwijati, wenang nunas pamatut ring Kelihan Banjar/Desa Pakraman (Bendesa Adat), Parisada utawi Guru Wisesa .
2. Sang pacang mapodgala/dwijati, mangde madruwe Nabe.
3. Prajuru Desa inucap patut sareng nureksa, mangda sulur kalih pamargine jati manut kecaping Agama.
4. Sane patut katureksa pinih ajeng kaceda angga miwah kasucian ring pakraman Banjar miwah Desa.
5. Prajuru Desa inucap sareng nyaksinin pamargin upakarane manut dresta.
6. Prajuru Desa patut ngamanggehang lan mikukuhin kasucian linggih Ida Sang Para Sulinggih .

Palet 3

Indik Pitra Yadnya

Pawos 44

Pawilangan rahina sane tan dados kaambahin ngutang sawa ring setra pekraman lwire, Purwani, Purnama, Tilem, Buda Kliwon, Saniscara Kliwon, (Kecap : Yama Purana Tatwa , Pemastu . " Yan purug rahina ika tinemah De Sanghyang Buda Agni Giriswara). Malih rahina pujawali ring Pura Dalem, Kahyangan, Setra, Pura Desa, Pura Puseh, Pura Bale Agung lan rerahinan jagat. Malih rahina pujawali ring sanggah Ibu Pertiwinya, akirim wangke, alangkar watang.

Pawos 45

1. Rikala kawentenang upacara Padudusan Agung ring Pura Kahyangan Jagat sane polih paayah-ayahan saking Desa risampun wenten ciri mantenin beras rawuh Ida Bhatara masineb, tan kapatutang upacara atiwa-tiwa (ngaben). Wenang sawa punika kapendem rikala wengi saha runtutan upakara sapatutipun manut dresta kalih kecap sastra sane wenten, nanging tan kapatutang nyuarang kulkul.
2. Yan wenten Sang maraga Sulinggih, Pamangku seda, utawi sane seda tan lumrah mapendem, upacara paleletan memargi sepatutipun. Sang sane seda punika kangkat masekeh masuwen ipun nganutin pakarsa sang adrebe sawa majalaran antuk daging kecap sastra Agama lan Dresta, taler tan kapatutang nyuarang kulkul.

Pawos 46

Tan kadadosang nginepang bangbang utawi ngurugang bangbang.

Pawos 47

Tan dados ngagah wangke sane kabawos mati bener sadurung tugtug waneng warsa, sejaba sane wenten nyangking.

Pawos 48

1. Nyekeh sawa tan dados langkungan ring awarsa mapenutup malih asasih 7 (pitung) rahina (Linging Bhatara Yama).
2. Tan dados nginepang sawa anak alit sane durung kupak/ketus, wenang pendem peremangke, tan ngewilangin dewasa (Padma Udadi)
3. Ritatkala jagate katibenin bancana kagerubugan (perang Agung akweh jadmane mati), kageringan, akweh jadma mampeh, tan wenang nginepang wangke ring umah, patut kapendem peremangkin tan memilih rahina, taler sane masekeh mangda kasurupang ring setra, sajabaning Sang meraga Sulinggih, Pamangku Kahyangan Jagat.

Pawos 49

Yan wenten anak istri mati ngadut manik utawi mati ngalekadang rare, tan wenang entas, patut kapendem premangkin tan mamilih rahina. Nanging yan sang mati kadi puniki nujoning rahina kekeran desa (Pawos 44) mendem kangkat kemargiang rikala wengi.

Pawos 50

Yaning wenten jadma salah pati utawi ngulah pati manut tatwaning Sang Hyang Ajicanda, wenang wehin tirta Sulinggih/ tirta pabersihan raris sawa punika patut kapendem pramangkin. Nanging yaning nemoning rahina kekeran Desa (Pawos 44) kangkat mendem rikala wengi.

Pawos 51

Mati kapengawan, lwire : salah pati miwah ulah pati, wawu dados kapreteka yan sampun lintang sengkernya mapendem. Tata pangupakarannya patut kemargiang ring setra.

Pawos 52

Satunggil wenten sane pacang mendem sawa utawi upacara atiwa-tiwa (Ngaben), sadereng puniki patut ngawentenang piuning ring Bendesa, kaanter antuk Kelihan Banjar.

Pawos 53

Sengker Papendeman

1. Mati kagering Agung :

ha. Brahmana wangsa 10 warsa.

na. Ksatria wangsa 12 warsa.

ca. Wesya wangsa 15 warsa.

ra. Sudra wangsa 25 warsa.

2. Mati ngadut manik utawi ngalekadang rare :

ha. Brahmana wangsa 1 warsa.

na. Ksatria wangsa 2 warsa.

ca. Wesya wangsa 3 warsa.

ra. Sudra wangsa 4 warsa.

3. Mati K epengawan.

ha. Salah pati 3 warsa.

ca. Ulah pati 5 warsa.

4. Sapa sira i krama desa, madrebe kepatian (mati bener), raris mekayunan pacang mendem, kepiarsayang mangda "mekelin" sawa punika. Yan asuwe tan mrasidayang ngaben mangda tan mahawinan kameranan ring jagate.

5. Sapa sira i krama desa madrebe kepatian (mati bener), mekayunan pacang atiwa-tiwa, kangkat ngambil sengker sajeroning 7 (pitung) rahina tan ngawilangin dewasa, nanging taler wenten pelugrahan saking Pedanda.

6. Nyabran 3 (tigang) warsa, desa ngutsahayang ngawentenang "pengeritan".

Pawos 54

Indik Cuntaka

1. Cuntaka :

ha. Brahmana wangsa 10 rahina.

na. Ksatria wangsa 12 rahina

ca. Wesya wangsa 12 rahina.

ra. Sudra wangsa 12 rahina.

2. Malih yan krama Banjar polih ngambil sopakaraning wong mati, cuntakannya 3 (tigang) rahina.
3. Yan wenten rare mati durung kepus udel, memen nyane cuntaka asasih pitung rahina (42 rahina).
4. I meme sane wus ngalekadang pianak, patut ngambil cuntaka suwen ipun asasih pitung rahina (42 rahina), I bapa 3 (tigang) rahina. Sadereng tugtug waneng sengkere punika tan lugraha ke sanggah, pemerajan utawi Pura, miwah genah sane suci utawi kesuciang.
5. Cuntaka pawiwahan suwen ipun 3 (tigang) rahina, sadereng tugtug waneng tan lugraha ke Pura-Pura.
6. Cuntaka letuh (sebel awak) suwen ipun 3 (tigang) rahina, sadereng tugtug waneng tan dados ke Sanggah, Pemerajan, utawi Pura.
7. Sang wiwaha risampun wenten sengker 3 (tigang) rahina patut ngamargiang upacara sayut penyampi, prayascita.

Palet 4

Indik Manusa Yadnya

Pawos 55

Tata Titi Manusa Yadnya

1. Upakara-upacara Manusa Yadnya kawentenan ipun lwire :
 - (1). Pawiwahan : Upacara/upakarannyane . Mabiyakala, mawidhi widana lan majejauman.
 - (2). Ngidam/Mobot : Upacara-upakarannyane mawasta "Pangerujakan " masadhana wohwohan manut Sad Rasa (manis, pahit, pakeh, sepet, masem lan pedes).
 - (3) Mobot : upacarannyane " Magedong-gedongan", kalaksanayang ritatkala bobotnyane sampun mayusa 5(limang) bulan (175 rahina).
 - (4). Ngamedalang Oka : Ngawentenang upakara " Mapag Rare "antuk banten dapetan saruntutan ipun, miwah mendem ari-ari (yaning lanang ring tengen, yaning istri ring kiwa lawang paturon).
 - (5). Kepus Udel/Pungsed : Upacara-upakarannyane banten mapenelahan : banten laban sang Ibu, banten Kumara magenah ring pelangkiran sane megantung, miwah banten ari-ari ring sanggar cucuk manut dresta. Kepusan pungsede wadahin ketipat ental, genahang ring beten sirepnyane utawi batan galar anggen sasikepan.
 - (6) Tutug Kambuhan : Upacara-upakara anake alit rikala mayusa a sasih pitung rahina (42 rahina) ngicalang sebel kandel makadi upakaran sang ibu, banten " Pacolongan " saruntut ipun.
 - (7) Tigang Sasih : Ritatkala anake alit mayusa tigang sasih (105 rahina) ,

kawentenang upakara " Nyambutin ", kadulurin antuk banten " Pangelapas Aon", nyuratang wasan anake alit miwah upacara " Tuwun di Pane " ngilehin lesung.

- (8) Ngotonin : Rikala anake alit mayusa 6 (enem) sasih (210 rahina) kawentenang upacara-upakara lwire :
- ha. Upacara pawetuan (kalaksanayang satunggil weton nyane 210 rahina).
 - na. Upacara Tuwun Tanah.
 - ca. Upacara Mapetik/Magundul.
 - ra. Upakara pemayuh oton manut Pratiti samutpada.
- (9) Tumbuh Untu : Upacara Ngempugin.
- (10). Ketus Untu : Upacara Makupak, matemuang Sad Rasa.
- (11). Ngangkid : mesakapan kasegara.
- (12). Matusuk Kuping : Kalaksanayang sesampun anake alit mayusa 8 (kutus) oton utawi 5 (limang) masa.
- (13). Menek Daha : Upacara ngalinggihang Hyang Samara Ratih. Yan lanang mawasta " Ngeraja Singa " yan istri mawasta " Ngaraja Sawala ".
- (14). Metatah : Upacara-upakara " Mapandes " manut dresta Asta madya utama, tatujon ipun ngicalang Sad Ripu inggih punika : kama, loba, mada (punyah), moha (bingung), krodha, matsarya (iri hati).
- (15). Nganten : Upacara-upakara " Negteg Pulu".
2. Upacara/upakara ring ajeng kalaksanayang manut nista, madya, utama, madasar antuk kecaping sastra Agama miwah dresta sejeroning ring Desa Pakraman Intaran.

Palet 5

Indik Bhuta Yadnya

Pawos 56

1. Nyabran awarsa nuju tileming sasih Kalima, krama desa patut ngaturang tawur/karya Penangluk merana Ngusaba Desa. Upakaranya Panca Sanak Agung saha Mayama Raja Pedudusan Alit. Satunggil dasa warsa (10 warsa) patut ngawentenang Padudusan Agung.
2. Sasih Kesanga (nyalinin Saka) patut ngawentenang tawur Kasanga. Upakaranya Panca Sata ring catur pataning Bale Agung. Ring sowang-sowang Banjar upakaranya Eka Sata.

PANCAMAH SARGAH
SUKERTA TATA PAWONGAN

Palet 1

Indik Pawiwahan

Pawos 57

1. Pawiwahan inggih punika patemoning purusa pradana malarapan panunggalan kayun suka cita kadulurin upasaksi sekala-niskala.
2. Pamargin pawiwahan lwire :
 - ha.* Papadikan, kamanggala antuk pakrunan;
 - na.* Ngerorod, ngangkat rihin wawu kakrunayang;
 - ca.* Nyeburin utawi sentana nyeburin.
3. Salwirin pawiwahan/pawarangan/pasakapan patut saha Widhi Widana kaaaturin antuk Tri Upa Saksi, Dewa-Bhuta miwah manusa saksi.
4. Buat ngesahang perabian/mapikurenan olih prajuru desa kekaryanang kalih kaunggahang ring ilikita (Wiwaha Patra) sane taler kakukuhang olih perangkat Pemerintah manut daging UU sakeng sang ngawiwenang.

Pawos 58

Tata Keramaning Ngambil Anak Istri (Ngerorod)

Yan mapikurenan mejalaran antuk ngerorod utawi ngalayat, kapatutang saking lanang ngamargiang, lwire :

- ha.* Pengelukuan, ngewntenang utusan mejatiang ring kapatutang sang istri.
- na.* Ngaluku kamargiang segelis nyane nuju kala wengi sasampune sang -Istri keni kaambil, sekirang-kirangnya sajeroning awengi (24 jam) .
- ca.* Ngeluku patut kalaksanayang olih sakirang-kirangnya kalih diri tur saha suluh pinaka ciri.
- ra.* Sajaba wenten kakewuhan, pangelukuan dados kamargiang majalaran antuk surat.

Pawos 59

Sasampune tingkahing ngaluku puput kamargiang, patut saking purusa malih ngawentenang pamargi panyedek ring kapatutan sang istri indik pamargi salantur ipun lwire :

ha. Nyedekang rahina pacang masakapan.

na. Nyedekang rahina pacang malali budal utawi marerasan.

ca. Ngerorod kadi drestan desane patut kamargiang rikala sampun wengi.

ra. Indik pamargi sane tan manut dresta, sangkaning pangedihan wargi sang istri, rerama kalih wirang nyane, kangkat kemargiang penegteg.

Pawos 60

Penegteg kalaksanayang olih kapatutan sang istri saha kasarengin antuk perangkat Pemerintahan Desa kalih Kelihan Banjar Adat pinaka saksi, utawi perangkat sewosan minakadi Polisi, kasaksiang antuk meme bapan nyane utawi wirang sang istri.

Pawos 61

Rikala negteg tan kapatutang saking meme bapannyane utawi wirang sang istri mabawos ring sane kategteg sadurunge perangkat Pemerintahan Desa utawi Polisi ngawentenang bawos panegteg.

Pawos 62

Yan sampun rikala negteg, sang istri nyinahang raga pamarginnyane ngerorod boya sangkaning paras-paros tur tan tresna, utawi tan lega/tresna maka kalih dados palasang, raris sang istri dados budalang.

Pawos 63

Sapasiraja ngarawuhin utawi nerima pengelayatan patut digelis nyadokang sekirang-kirangnyane rawuh ring Kelihan Banjar/Dinas/Desa.

Pawos 64

Salah jejuangan kalih salah timpal, manut kecap sastra Agama Hindu tan kapatutang patemon lwire, lanang lawan istri pepernahan meme utawi rerama, lanang lawan istri (nyama) tunggal bapa tunggal meme utawi istri tunggal bapa liyan meme, bapa

kalawan pianak. (Ucap sastra : Mangke yan harep sira sang Ratu mwanng sang Pandita, matepetaken pakertining rat, risampun hana wus kacihna, mangkana Agamyang wang ika, wenang amangun semadi, nyegara gunung amrayascitaning rat (Bale Agung) , Desa Pakraman, Alabuh gentuh ring Bale Agung, ika maka pamarisudha laraning rat. (Lontar Adigama, Purwagama, Rogasengara, tutur Dang Bungalan, Widi Pepincatan, Widi Sastra, Siwa Sesana, Silagama, Catur Yuga, Catur Petaka).

Pawos 65

Magegendakan

1. Yan wenten anak istri bajang mawastu mobot sadurung makurenan, patut prajuru Banjar/Desa ngawentenang panegteg ring rerama sang istri punika.
2. Yan wenten anak istri bajang mawastu mobot sadurung makurenan wenang rerama utawi wirang nyane maritetes saha nyadokang ring prajuru Banjar utawi Desa tur nyinahang sang kangkenin, sapisira sang ngawe utawi ngardi bobotane punika.
3. Yan wenten anak istri bajang mawastu mobot sadereng makurenan, tur olih anak istri punika sampun kajantenang tur kabiaktayang anak lanang sane ngawe bobotane, olih prajuru Banjar/Desa, patut nibakang pamatut bawos, mangda sang istri (sane mobot) punika kasakapang lawan anak lanang sane kaangkenin, sane ngardi bobotane, saha upakara sajangkepnyane.

Pawos 66

1. Anak alit /rare sane medal utawi lekad saking bobotan ibu/meme sane dereng kaanggehang sah makurenan, sahantukan durung macihna antuk upakara-upacara, sangkaning nyolong semara, patut rare punika kabawosang bebinjat. Ritepengan kadi puniki sang ngalekadang/meme patut ngaturang pamarisuda Jagat/Desa ring Bale Agung marupa upakara Guru Piduka saha caru Panca Sata.
2. Anak alit rare sane kabawos pianak bebinjat sadereng ngamargiang upakara manut daging (bawos 1) ring ajeng turmaning durung ngelaksanayang upakara tutug kambuhan (asasih pitung rahina), nyambutin (tigang sasih), otonan (enem sasih) ring ajeng tan kapatutang ngeranjing utawi tangkilang ka Pura penyungsung Desa, semalihnya tan kadadosang tibakin tirta upakara.

Palet 2
Indik Nyapian
Pawos 67
Palas Merabi/Makurenan

1. Palas marabi/makurenan sampun kamanggehang sah yaning sampun macihna majalaran sang istri jenek wenten ring umahnyane lintang ring 6 (enem) sasih tan wenten kaupajiwain tur kaupadanain tur tan karunguang olih sang lanang nyane utawi maka kalih sampun pada nyinahang idep tur masadok ring paruman Banjar indik palas marabi/makurenan punika, utawi sang palas marabi punika sampun madasar antuk pamutus bawos Pengadilan (Guru Wisesa) manut daging UU Perkawinan No. 1 Tahun 1974.
2. I krama sane palas marabi patut nyadokang raga ring Kelihan Banjar nyane salantur ipun Kelihan Banjar raris digelis ngawentenang panureksan pahindikane punika, raris kakaryaning ilikita tur karawuhang ring prajuru Desa.
3. Sang sampun macihna tur sampun kasumekenang palas marabi olih Kelihan Banjar utawi guru Wisesa, olih prajuru Desa kakaryanin tur kauwehin ilikita.
4. Krama sane sampun pecak palas marabi/makurenan, lanang miwah istri yaning sampun pada adung mawali malih, becik makurenan/marabi sareng lanang istri sane dumun, patut nawur danda ring Banjar genah nyane tedun makrama, manut kadi geguatan drestaning Banjar sowang-sowang.
5. I krama sane sampun naanin palas marabi/makurenan, istri/ lanang sampun pada adung becik malih tur memanah pacang matulak malih marabi/makurenan sareng istri/lanang sane dumun, patut kamargiang saha upakara padengen-dengenan.
6. Kang inucap ring bawos 5 (lima) patut keni ayahan ring Banjar genah nyane tedun makrama, kadi drestaning Banjar.
7. Yan wenten anak istri utawi lanang ngungkung, yan sampun pada macihna, olih prajuru Banjar wenang maritetes tur miarsayang anake punika, mangdane digelis masakapan/ madengen-dengenan saha Widhi Widana tur tedun makrama Banjar.

Palet 3
Indik Sentana
Pawos 68
Tataning Ngedih Sentana

Ngedih Sentana dados kamargiang :
ha. Sangkaning turunan purusa.

na. Sangkaning tunggal sembah utawi kawitan, nanging mangdane majalaran pada lila.

ca. Saking sewosan nanging sang ngedih utawi sang kaedih, kulawarga nyane mangda pada lila.

Pawos 69

Sang kaangkat utawi kaedih dados sentana patut mecikang kalih miara sakelwir abot tetamian sang ngedih utawi sang ngangkat sentana.

Pawos 70

Mameras Sentana/Pianak

Mameras sentana utawi pianak kewenangannya :

1. Setata ngerereh ulian purusa, saha Widhi Widana tur upakara/upa saksi.
2. Sang kaperas sakirang-kirang nyane matuwuh 2½ (kalih tengah) warsa utawi sadereng makurenan/marabian.

Palet 4

Indik Waris

Pawos 71

1. Pianak utawi sang sane kaperas pianak, kapatutang ngewarisin utawi dados waris sang sane ngutpti utawi sang sane mameras pianak.
2. Sang sane ngangken patut ngewarisin utawi dados waris, wenang miara kalih mecikang sakalwirin tetamian utawi padrebean sang sane ngutpti utawi sang mameras pianak.
3. Sang sane kaedih utawi sang kaperas pianak, tan wenten papatutan malih pacang ngarebutin padrebean sang ngarupaka.
4. Pianak luh/istri sane sampun ninggalin umah (makurenan) tan kapatutang malih ngawarisin utawi dados waris sang ngarupaka.
5. Pianak luh/istri sane kabawos mulih deha, tan kapatutang ngarebutin waris sang ngarupaka.

SAD SARGAH

WICARA LAN PAMIDANDA

Palet 1

Indik Wicara

Pawos 72

1. Sane wenang mawosang kadi muputang wicara ring Desa lwire :
 - ha. Kelihan Banjar, yaning sang mawicara patunggilan Bebanjaran .
 - na. Bendesa Adat, yaning sang mawicara mabinayan Bebanjaran
2. Prade sang mawicara tan wenten cumpu ring tatacara Kelihan Banjar mawosin kengin nunas tatimbangan ring Bendesa Adat.
3. Prade taler tan wenten cumpu ring pematut Bendesa Adat, kengin katunasang

tatimbang ring Kertha Desa (Pinisepuh Desa Pakraman, Prajuru Desa Pakraman lan Krama Desa sane kawenangan olih parareman), maka anggen pamucuk, saha pamuputnyane tan kawicaranan malih.

4. Pamutus ring Desa prade tan kacumponin, kasukserah ring sang mawicara nunasang ring guru wisesa utawi sang rurnawos /pengadilan.

Pawos 73 Pamutus Wicara

1. Sahanan wicara sane mawiwit kacorahan sakelwire, piwal miwah sinanggeh nungkasin ring daging Awig-Awig, paswara lan parareman Desa / Banjar, patut pramangkin kabawosang tan nyantos pasadok.
2. Sejab a wicara kadi ring ajeng, patut nyantosang pesadok ring sang nunas bawos.
3. Panepas Kertha Desa sekadi swadarmaning pamucuk Desa, mapaweweh tatimbang, mangda pastika nyantenang iwang patut malarapan Tri Pramana lwire : saksi, ilikita, bukti sah tan maren nepek ring catur dresta. (Sastra, Purwa, Loka miwah Desa Dresta) .
4. Sahanan pamuput sane katiwakang kadi ring ajeng mangde tan wenten piwal ring awig-awig, dresta utawi parareman, malarapan antuk Dharma Tula.
5. Sahanan pamuput / pamutus bawos patut tan maren ngupadi lwire :
 - ha. Mangda warga desa sayan pastika uning ring wewatesan iwang patutnyane.
 - na. Mangda sang kaiwangan tatas pastika uning ring kaiwangan padewekannyane.
 - ca. Sang molih tan maren katuntun mangda sampunang nginggilang kapatutannyane, lilalagawa nyampura sang sisip.
 - ra. Nyapsap bibit-bibit papineh musuh-musuhan.

Palet 2 Indik Pamidanda Pawos 74 Pangalaksanaan Pamidanda

1. Desa/Banjar wenang niwakang pamidanda ring warga sane sisip.
2. Tatiwak inucap kamargiang antuk Kelihan Desa/Banjar, nunggal-nunggal manut dudonan ring sor :
 - ha. Hutang brana, kengin kamargiang rerampagan manut tata cara
 - na. Kaiwangan sewosan artha brana, kapekelingin rihin, malih pisan wawu pamidanda salanturnyane.
3. Ageng alit pamidanda, masor singgih manut kasisipan, tan maren ngupadi dharma kawelas arsan, pinih ajeng makabuatan ngewantunang kasumedalan desa, boya mapikenoh mingkalihang pamidanda saking Guru Wisesa.
4. Wacakan pamidanda lwire :

- ha.* Kapekelingan nyantos kaping 3 (tiga).
 - na.* Danda artha miwah penikel-penikelnyane jantos ngerampag.
 - ca.* Pangampura / panyuaka.
 - ra.* Upakara penyangaskara / penyucian.
 - ka.* Kasepekang makrama tur nunas pangampura utawi nyuaka iwang manut pararem Desa/Banjar.
 - da.* Kanorayang / kararyanang makrama.
5. Jinah utawi artha-brana pamidanda punika ngranjing dados druwen Desa / Banjar manut dudonan.

Pawos 75 **Tata Titi Pamidanda**

1. Rikala telas pawanengan nenten nawur / ngamedalang jinah papeson, dadendan utawi dedosan, kapidanda nikel.
2. Risampun keni tikelan, malih a sangkepan taler tan katawur wenang karampag kadi ring sor .
 - ha.* Kamargiang antuk prajuru kamiletin antuk krama tigang diri, pinaka saksi.
 - na.* Tan ngarampag barang sane patut kainggil manut Agama miwah tan ngamademang pangupajiwan sang karampag lwire:
 - (1). Sane tan kawenangan :
 - Barang sane anggen ngerateng utawi anggen nincapang pangupajiwa.
 - Serana sane kaanggen ngamargiang upacara agama.
 - Sane ngicalang cihna prakerti.
 - (2). Kawenangan ngarampag :
 - Wewalungan suku pat wiadin suku kalih.
 - Sekancan uperenggan paumahan.
 - Pepayonan utawi tanem tuwuh.
3. Kelihan miteketang mangda barang sane pacang kerampag, kasinahang antul sawen nyantos polih penumbas rampagan pinih ageng.
4. Pikolih adolan rerampagan patut malih katulakang prade langkung ring utang sang karampag.
5. Sang karampag tan dados ngalengin pamargin rerampagan sakewanten dados sareng nyaksinin pengalaksanaan rerampagan inucap.
6. Prade krama sane karampag tan nganutin turmaning tan wenten usaha pacan nawur, miwah sapratingkahnyane ngarugada, risampun kakertain antu pamucuk desa sane manggeh kertha desa, kabawos krama inucap ngua

- pasubayan sajeroning awig-awig, patut kasepekang tur kapegatin swaran kulkul.
7. Krama sane kasepekang/kararyanang kengin katerima malih makrama Desa / Banjar risampun :
 - ha. Nunas geng pangampura / nyewaka ring krama Banjar utawi Desa riantukan iwang piwal ring pasubaya sane kararemin pecak.
 - na. Nawur pamidanda nganutin awig-awig sane macihna artha-brana.
 - ca. Krama sane kararyanang mawaneng awarsa dados malih tedun makrama Desa yaning sampun tinut kadi manggeh ring awig-awig.

SAPTAMA SARGAH
NGUWAH-NGUWUHIN AWIG-AWIG

Pawos 76

1. Nguwah-nguwuhin awig-awig puniki kadasarin antuk peparuman krama Desa.
2. Pangapti wah-wuh inucap majalaran pakarsan krama Desa.
3. Pamutus bawos kadasarin antuk pararem sagilik-saguluk.
4. Wah-wuh awig-awig puniki manut samaya.
5. Salwiring sane wenten saderengnyane, patut kaanutang ring sedaging awig-awig puniki.

ASTHAMAS SARGAH

SAMAPTA

Pawos 77

1. Sakalwiring sane durung kasurat sajeroning Awig-Awig puniki pacang kabawosin, kararemin tur kasuratang pungkuran.
2. Sakalwiring sane durung kabawos sajeroning Awig-Awig puniki patut kamargiang manut tata cara sane sampun katah mamargi kadulurin antuk pararem.

Pawos 78

Daging Awig-Awig puniki sampun kabawosin tur kararemin antuk i krama desa Pakraman Intaran duk kawentenang pasamuhan nemoning Rahina Budha Kliwon Wuku Dungulan, Sasih Kapat, Isaka Warsa 1927, Tanggal Masehi 5 Oktober 2005, magenah ring Pura Bale Agung Desa Pakraman Intaran.

Pawos 79

1. Awig-Awig puniki kamargiang ngawit rahina Budha Kliwon Wuku Dungulan, Sasih Kapat, Isaka Warsa 1927, Tanggal masehi 5 Oktober 2005.
2. Awig - Awig puniki kalingga tanganin olih Bendesa Adat Desa Pakraman Intaran kasarengin olih Kelihan Banjar sajabag Desa Pakraman Intaran pinaka saksi Kepala Desa Sanur Kauh, Kepala Kelurahan Sanur, Camat Denpasar Selatan, saha kapikukuh antuk Walikota Denpasar.
3. Sang ngalingga tanganin lwire :

Desa Pakraman Intaran
Bendesa,

A.A. Kompiang Raka, S.H.

1. Kelihan Banjar Langon,

I Made Sunartha

2. Kelihan Banjar Singgi

Irena Bisma Putra

3. Kelihan Banjar Panti

I Gusti Putu Sutedja, BA

4. Kelihan Banjar Gulingan

Made Adi Astawa

5. Kelihan Banjar Taman

Ida Bagus Kompiang Sulendra

6. Kelihan Banjar Sindu Kaja

Nyoman Mudana

໙) ສົນບັດບຸກຄົນສິນຄ້າໆພາດີ

ເບີໆກວາຍຄຽງບໍ່ເອກ

໑໐) ສົນບັດບຸກຄົນສິນຄ້າໆພາດີ

ເບີໆສິນຄ້າໆພາດີ

໑໑) ສົນບັດບຸກຄົນສິນຄ້າໆພາດີ

ເບີໆພາດີໆພາດີ

໑໒) ສົນບັດບຸກຄົນສິນຄ້າໆພາດີ

ເບີໆສິນຄ້າໆພາດີ

໑໓) ສົນບັດບຸກຄົນສິນຄ້າໆພາດີ

ໆພາດີໆພາດີໆພາດີ

໑໔) ສົນບັດບຸກຄົນສິນຄ້າໆພາດີ

ເບີໆພາດີໆພາດີ

໑໕) ສົນບັດບຸກຄົນສິນຄ້າໆພາດີ

ເບີໆກວາຍຄຽງໆພາດີ

໑໖) ສົນບັດບຸກຄົນສິນຄ້າໆພາດີ

ເບີໆພາດີໆພາດີ

໑໗) ສົນບັດບຸກຄົນສິນຄ້າໆພາດີ

ໆພາດີໆພາດີໆພາດີ

໑໘) ສົນບັດບຸກຄົນສິນຄ້າໆພາດີ

ເບີໆພາດີໆພາດີ

໑໙) ສົນບັດບຸກຄົນສິນຄ້າໆພາດີ

ເບີໆພາດີໆພາດີ

໒໐) ສົນບັດບຸກຄົນສິນຄ້າໆພາດີ

ເບີໆພາດີໆພາດີ

໒໑) ສົນບັດບຸກຄົນສິນຄ້າໆພາດີ

ເບີໆພາດີໆພາດີ

8. Kelian Banjar Sindu Kelod

I Nyoman Suwartana

9. Kelian Banjar Semawang

I Gusti Gae Suparta

11. Kelian Banjar Dangingpeken

I Made Surtarta

13. Kelian Banjar Abiantimbul

I Alit Kencana

15. Kelian Banjar Puseh Kauh

I Made Raka

17. Kelian Banjar Pekadelan Intaran

I Ida Bagus Kompiang Sindu

19. Kelian Banjar Belanjong

I Nyoman Surata

8. Kelian Batujimbar


I Wayan Mara

10. Kelian Banjar Tewel

I A.A. Kompiang Rai

12. Kelian Banjar Medura

I Wayan Mudana

14. Kelian Banjar Puseh Kangin

I Made Kara

16. Kelian Banjar Penopengan

I Wayan Kartana

18. Kelian Banjar Betngandang

I Made Suweta

Kasaksinin oleh :



Kapikukuhin oleh :
Walikota Denpasar

